

ԼՈՒՐԵՐ

ՊԵՅՐՈՒԹԵՆ ԱՏԻՍ ԱՊԵՊԱ ՄԵԿՆՈՂ ԻՆՔՆԱԹԻՌ ՄԸ ՋԱԽՋԱԽՈՒԵՑԱԻ ՄԻՋԵՐԿՐԱԿԱՆԻ ՋՈՒՐԵՐՈՒՄ ՄԵՋ



Լիբանանցիները երկուշաբթի առաւօտեան արթնցան մարդկային ծանր աղէտի մը գոյժով: Պէյրուսի միջազգային օդակայանէն Ատիս Ապեպա մեկնող Ethiopian Airlines ընկերութեան Boeing-737 տիպի ինքնաթիռ մը, թռիչքէն մօտաւորապէս հինգ վայրկեան ետք անհետացաւ ռատիոհաղորդիչ սարքաւորումներուն տեսադաշտէն: Օդանավը ջախջախուեցաւ Միջերկրական ծովուն մէջ:

Ըստ պաշտօնական տուեալներու՝ ինքնաթիռը կը փոխադրէր 82 ուղեւոր եւ անձնակազմի 9-ը անդամ: Ուղեւորներէն 51-ը լիբանանցիներ, 23-ը եթովպացի, երկու բրիտանացի մը, իրաքցի մը, թուրք մը, սուրիացի մը, գանատացի մը, ռուս մը եւ Ֆրանսացի մը, որ հետագային պարզուեցաւ, որ Լիբանանի մօտ Ֆրանսայի դեսպանին կիներ էր: Լիբանանեան իշխանութիւնները անմիջապէս հրահանգեցին սկսիլ փրկարար աշխատանքներուն:

Հաղորդակցութեան եւ փոխադրութեան նախարար Ղազի Արիտի յայտարարեց, թէ արկածը պատահած է Պէյրուսէն ինը քիլոմէթր հարաւ գտնուող, Նաամէ գիւղէն երեք քիլոմէթր հեռավորութեան գտնուող Միջերկրականի ջուրերուն մէջ: Շրջանի բնակիչն էրէն ոմանք յայտնեցին, թէ առա-

ւօտեան կանուխ ժամերուն ջուրերուն մէջ նկատած են ինքնաթիռի կտորներ: Նախարար Արիտի յայտնեց, թէ կառավարութիւնը անմիջապէս կազմած է հետաքննիչ յանձնախումբ մը՝ ուսումնասիրելու պատահարին պատճառները:

Հանրապետութեան նախագահը Միշէլ Սըլէյման, պաշտպանութեան նախարար Իլիաս Մըր, բանակի ընդհանուր հրամանատար զօրավար Ժան Քահուաճի անմիջապէս ժամանեցին Պէյրուսի միջազգային օդակայանը՝ աւելի մօտէն իրազեկ դառնալու արկածին մանրամասնութիւններուն:

Հանրապետութեան նախագահը եւ պաշտպանութեան նախարարը միասնաբար տուին մամլոյ ասուլիս մը, որուն ընթացքին նախագահ Սըլէյման իր ցաւակոտ թիւնները փոխանցեց զոհերու ընտանիքներուն՝ նշելով, որ փրկարար աշխատանքներ կը կատարուին վերապրողներ գտնելու ակնկալութեամբ: Նախագահը բացառեց ինքնաթիռի արկածը խափանարարական աշխատանքի մը հետեւանքը ըլլալու հաւանականութիւնը՝ աւելցնելով, որ լիբանանեան բանակի միաւորներ յառաջիկայ 72 ժամերուն ընթացքին պիտի շարունակեն վերապրողներ գտնելու աշխատանքները:

ՄԵԾՆ ԲՐԻՏԱՆԻԱՅԻ ՄԵՋ ԱՅԱԲԵԿՉՈՒԹԵԱՆ ՄԱԿԱՐԴԱԿԸ ԲԱՐՁՐԱՑԱԾ Է

Մեծ Բրիտանիայի իշխանութիւնները անցող տարուայ Յուլիսէն սկսեալ առաջին անգամ ահաբեկչութեան մակարդակն այդ երկրին մէջ «լրջութեան» աստիճանի բարձրացած են:

Ինչպէս կը յայտնէ BBC-ն, նման որոշում կայացած է ահաբեկչական գործողութիւններու վերլուծումով զբաղուող միացեալ կեդրոնը:

Ինչպէս կը յայտնէ ՆԳՆ ղեկավար Ալըն ձոնսընը, նմանօրինակ միջոցառումները կապուած չեն վերջերս Տիթրոյի մէջ տեղի ունեցած դէպքերուն հետ, երբ ահաբեկիչը փորձած էր պայթեցնել Ամստերտամէն ժամանող ինքնաթիռը: Միեւնոյն ժամանակ ան կոչ է ըրած է քաղաքացիներուն ուշադիր ըլլալ եւ օգնել ոստիկանութեան եւ յատուկ ծառայութիւններուն աշխատակիցներուն: Ինչպէս նշած է ձոնսընը, այս պահին որեւէ յատուկ դէպքի մասին խօսք չկայ: Ահաբեկչութիւններու վտանգաւորութեան աստիճանը որոշող նշանաձողին վրայ գոյութիւն ունին



հինգ աստիճաններ, փոքրէն մինչեւ ամենաճգնաժամանայինը: Բարձրագոյնէն առաջ ալ գոյութիւն ունի «լուրջ աստիճանը» որ կը նշանակէ թէ Միացեալ Թագաւորութեան ահաբեկչութեան հաւանականութեան մակարդակը շատ բարձր է:

ՀԱՅԻԹԻ ՄԵՋ ԴԱԴԱՐԵՑՈՒԱԾ ԵՆ ՓՐԿԱՐԱՐԱԿԱՆ-ՈՐՈՆՈՂԱԿԱՆ ԱՇԽԱՏԱՆՔՆԵՐԸ ԵՐԿՐԱՇԱՐԺԵՆ 11 ՕՐ ԱՆՑ ՀՐԱՇՔՈՎ ՍԱՐԴ ՓՐԿՈՒԱԾ Է



Հայթիի աւերիչ երկրաշարժէն 11օր անց փրկարարներուն յաջողութիւնն է փրատակներուն տակէն կենդանի մարդ դուրս բերել: Ասոշիէյթըդ փրէս գործակալութեան հաղորդումով, հրաշքով փրկուած է Փորթ-օ-Փրէնսի 24 ամեայ բնակիչ Ուիլսոնը Էկգանտուսը. վերջինս աղէտի պահին գտնուած է իր աշխատավայրին՝ Napoli Inn հիւրանոցին մէջ գտնուող նպարեղէնի խանութին մէջ, այդ իսկ պատճառով տասն օր շարունակ սննդի կարիք չէ զգացած: Շուրջ երկուսուկէս ժամ շարունակուած որոնողական աշխատանքները իրականացուած են Ֆրանսացի, ամերիկացի եւ յոյն փրկարարները:

Յունուար 12-ի աղէտալի երկրաշարժի հետեւանքով աւերուած Հայթիի մէջ Շաբաթ օրը դադրած են փրկարարական-որոնողական աշխատանքները: Միացեալ Ազգերու կազմակերպութեան տուեալներով, փրատակներուն տակէն փրկուած են 132 մարդ:

Աղէտէն յետոյ շուրջ 2 հազար փրկարարներ մասնակցած են Հայթիի Հարաւը աւերուած քաղաքներու եւ գիւղերու մէջ որոնողական աշխատանքներուն, յուսալով աւերակներէն դուրս բերել կենդանի մնացած մարդկանց:

Այժմ իշխանութիւններու եւ մարդասիրական առաքելութիւններու բոլոր ջանքերը պիտի

կեդրոնացուին աղէտէն տուժածներու մթերքով, ջուրով եւ ծածկով ապահովելու ուղղութեամբ:

Երկրաշարժի պատճառով նախնական տուեալներով գոհուած են առնուազն 150 հազար մարդ: Աղէտէն տուժածներու թիւը կարող է հասնիլ 3 միլիոնի:

Միջազգային փորձագէտներու գնահատումով՝ երկրաշարժէն աւերուած Հայթիի վերականգնման համար կը պահանջուի 10-15 տարի: Առաւել յոռետեսական գնահատականներով՝ Հայթիի վերականգնման համար չի բաւականացնէր նոյնիսկ 25 տարին:

Միւս կողմէ անցիալ շաբաթ «Յոյս Հայթիի հենց հիմա» խորագրով համաշխարհային հեռուստամարտի միջոցով հանգանակուած է 57 միլիոն տուրք: Դերասան ձորճ Քլունիի նախաձեռնութեամբ եւ շուրջ 140 աստղերու մասնակցութեամբ կատարուած մարտիչներ Ուրբաթ օրը հեռարձակուած է Լոս Անճելըսէն, Նիւ Եորքէն եւ Լոնտոնէն: Երկու ժամ տեւած մարտի մասնակիցներուն մէջ կային աշխարհահռչակ աստղեր Մատոննան, Պէյոնսէն, Պոնոն, Սթիւարթ, Քրիստինա Ալիւլեան, Ալիշա Քիսթը, ձաթիւն Թիմպլըթը, Շաքիրան, տամնակ այլ հանրապետութիւններ, դերասաններ Պրէթ Փիթը, Անճելինա ձոյլին, Լէնապրո Տի Քաբրիոն, ձուլիս Ռոպերթը եւ այլք:

ԹՈՒՐՔԻՈՅ ԽՈՐՀՐԴԱՐԱՆԱԿԱՆ «ԽԱՂԱՂՈՒԹԻՄ ԵՒ ԺՈՂՈՎՐԴԱՎԱՐՈՒԹԻՄ» ԿՈՒՍԱԿՑՈՒԹԵԱՆ ԱՆԴԱՄՆԵՐԸ ԱՅՅԵԼԱԾ ԵՆ ՊՈԼՍՈՅ ՀԱՅՈՑ ՊԱՏՐԻԱՐՔԱՐԱՆ

Թուրքիոյ Խորհրդարանի միակ քրտամէտ «Խաղաղութիւն եւ Ժողովրդավարութիւն» կուսակցութեան (նախկին, Ժողովրդավարական Հասարակութիւն կուսակցութիւն) անդամները այցելած են Ստամպուլի մէջ Հայոց եւ Յունաց պատրիարքարաններ:

Թրքական Haber լրատուական գործակալութեան փոխանցմամբ Հայոց պատրիարքարան այցելած են կուսակցութեան խորհրդարանական խմբակցութեան ղեկավար Նուրի Եամանը, պատգամաւորներ Սեբասթ թունըլը, Ուֆուք Ուրաքը, Աքըն Բրդալը եւ կուսակցութեան Ստամպուլի նահանգային ղեկավար Հուսէյն Բարըքը:

Պոլսոյ Հայոց պատրիարքարան այցելող հիւրերուն դիմաւորեր են

Պատրիարքարանի Հոգեւոր Խորհուրդի առաջնորդ Արամ Արք. Աթէշեանը:

Մամուլի համար փակ հանդիպումէն յետոյ Նուրի Եամանը նշեր է. Մեր համայնքներու ղեկավարներու եւ տարբեր հասարակական կազմակերպութիւններու հետ սկսած ենք աշխատիլ, որ Թուրքիոյ մէջ ապրող բոլոր ժողովուրդներու, հալածեալներու, արտաքուստներու եւ այլոց խնդիրները տեղափոխենք Թուրքիոյ Խորհրդարան: Հանդիպելով հայ եւ յոյն համայնքներու ղեկավարներու հետ ցանկացանք խնդիրներու մասին աղբիւրէն տեղեկանալ, նշած է «Խաղաղութիւն եւ Ժողովրդավարութիւն» կուսակցութեան խորհրդարանական խմբակցութեան ղեկավար Նուրի Եամանը: